

## کتاب مقدس ما مسیحیان

نہا یہ نہ کہ دبارء کتوو مقدس یا انجیل قصہ بکیم د شما اجازہ می حام تا دبارء عیسی مسیح چن کلمہ بؤئم. عیسی مسیح و حکم خداوند د مریم باکرہ اوما و دی. داآش مریم و بوئش یوسف (البته دونیم کہ یوسف بوئہ حقیقی عیسی نئی یہ) یهودیائی بی یں کہ د سر زمی فلسطین زنہئی می کردن.

وا توجه و متلای تورات و نویشتہ یا باقی پئغومبرا، یهودیا اولاد اسحاق کور ابراهیم و حسوو میاین. چنو کہ ای متلا مؤئن ای ملت چن چارصد سال د سر زمی مصر و اسیری بی یں. بلاخرہ ہم موسی وا حکمی کہ د جانب خداوند داشت اونونہ د اسیری نجات دء. ماجرا د ای قرار بی:

خداوند و موسی گوت می حیہ د هر حونہ مصری اولاد نہازانہ بکشہ اما سی یہ کہ یهودیا د ای بلا د امو باین هر حونہ یهودی باید یہ برء قربونی بکہ و خین شہ بمان و ری چارچوو در حونہ یاشو. ای طوری وقتی فریشتہ خداوند میایہ تا جوو مصریانہ بسونہ یهودیانہ تشخیص مہ یہ و اونونہ نمی گشہ. فریشتہ اوما ی و اولاد نہازا مصری نہ گشت اما و یهودیا کاری نثاشت. دما ای ماجرا فرعون مصر و موسی گوت کہ مثلہ تا یهودیا د او سر زمی روئن و جائی کہ خدا وشو وعدء دء یہ. وقتی یهودیا د اوچہ کردن و در فرعون د کاری کہ کردی پشیمو بی و لشکری فریسن و دما یهودیا. ای یهودیا افتانی د منحصہ سی یہ کہ و نہاشو دریا سرخ بی و و دماشو لشکر مصر. اما موسی وا نشو دء یں یہ موجزء د جانب خداوند دریانہ شکافت و یهودیانہ نجات دء.

یہ، بی یہ و عیدی کہ یهودیا نومشہ نیانہ پسح و هر سال او روزنہ جشن مئیرن. خی قربونی ہم بی یہ و نشونہ د رھائی. ای متلا د عھد عتیق کہ قسمتی د کتوو مقدس ایما مسیحیائہ نویشتہ بی یہ.

یهودیا که کتوو مقدس وشو 'ملت خداوند' موئه د طول تاریخ همیشه منتظر اوماین یه پادشاه آسمونی بی نه و نوم مسیح<sup>۱</sup> که میایه تا اونونه سی همیشه د بیچارهئی و آوارهئی نجات به یه و تا ابد و ری یهودیا حکومت بکه.

وقتی که عیسی اوما قری د یهودیا اون قبول نکردن. قری هنی هم گوئن که یه همو مسیح موعود و دماش ره افتان. اونو فکر می کردن که عیسی می حایه روئه و بیت المقدس و اوچه حکومت نه و دس بئیره. اونو هرگز فکر نمی کردن که پادشاهی عیسی مسیح و پادشاهی آیم و ری زمی فرق داره. سی ای خاطر وقتی که عیسی افتاد قپ ملایا یهودی و دولت رومی کل مردم بیین و دشمنش.

اما زنهئی عیسی تا سن سی ساله ای چنونی که باید سی ایما روشه نی. فقط دونیم که دما و دنیا اومایه نش داا و بوئش اونه و بیت المقدس بردن و و خداوند حوالش دین. وقتی هم که دوازده سالش بی یه گل هنی داا و بوئش اونه و بیت المقدس بردن و اوچه او و ریش اسپیی یا و ملایا و بحث نشسی چنو که هر کس قصه یاشه می شنت مؤفتا د تعجب.

داسان زنهئی عیسی د سن سی ساله ای و دما یعنی تا زمونی که و آسمو بالا برده بی د می چن جای عهد جدید که قسمتی د کتوو مقدس ایما مسیحیانه نویشته بی یه.

و اما کتوو مقدس ایما مسیحیا که می کشورا اسلامی ونه نه و نوم انجیل میشناسن د دو قسمت دریس بی یه: قسمت اول که وش عهد عتیق مؤئن و قسمت دوئم که وش عهد جدید مؤئن. ای کتوو سر یک د ۶۶ تا کتوو دریس بی یه.

**عهد عتیق:** یا پئمون قدیمی عبارت بی یه د کل نویشته یائی که خداوند و موسی و باقی پئغومبرا دما او (تا زمون اوماین عیسی مسیح) وحی کرده. ای قسمت د کتوو مقدس بیشتر دبارء تاریخ یهودیا، پادشایا یهودی، رسم و رسوم یهودیا و سختی یا ملت یهود قصه می که. عهد عتیق نوم خوئشه د داسان عید پسخ گریته. مسیحیا مؤئن که می

---

<sup>۱</sup> مسیح یعنی کسی که مسح بی یه. د زمون قدیم چنی رسم بی یه که وقتی کسی و پادشاهی می رسسه سرشه یا بدنش و رغو یا چپی یه هنی مسح می کرده. و وقتی مؤئن مسیح د جانب خداوند یعنی که خداوند او آیم نه مسح کرده.

او روز خداوند وا ملت انتخوو بي يه خووش پئمو بست که نجاتشو به يه. سی اي خاطرء که اي قسمت د کتوو مقدس عهد عتيق نوم گريته.

اي قسمت عبارت بي يه د ۳۹ تا کتوو که نويسندء يا مختلفي ونونه نويشته نه. اي کتوو مي يه دوره حدوداً ۱۳۰۰ ساله و و زوون عبري نويشته بي نه. ۵ تا کتوو اول سر يک تورات نوم دارن که موسی يا وا وحی خداوند نويشته يا وا هدايت خداوند د ري نويشته يائی قديمی هنی جمع کرده. مزامير داوود و نويشته يائی هنی هم مي اي قسمت هی.

**عهد جديد:** عبارت بي يه د ۲۷ تا کتوو که و زوو يونانی نويشته بي نه. هيچ کم دي کتووانه عیسی مسیح نويشته. مسيحيا ايمو دارن که وا مرگ عیسی و ري صليب و ريزسن خينش، خداوند، پئمون جديدی وا آيما نيایه. پئمونی که مطابق ونه ار کس و عیسی مسیح و عنوان تنا ره نجات ايمو بيارء رستگار موونه. سی اي خاطرء که اي قسمت د کتوو مقدس عهد جديد نوم گريته.

البته و اي قسمت سر يک انجيل هم مؤئن. ولی چار تا کتوو اول که دبارء زنهئی عیسی مسیح و چيائی که او ياد دء قصه می کن معمولاً و اسم انجيل گوته موئن. اي چار تا انجيل عبارتتن د: انجيل متی، انجيل مرقس، انجيل لوقا<sup>۲</sup> و انجيل يوحنا. کتوو پنجم که و نوم 'اعمال رسولان' معروفه دبارء تاريخ پخش بي ين مسيحيت قصه می که. دما ونه ۲۱ کتوو هنی هی که عبارتتن د نامه يا پتروس، پولس و يوحنا و مسيحيا شهرا مختلف. کتوو آخر هم رؤيائی يه که يوحنا دي.

پئغوم عهد جديدی عبارت د يه نئا که آيم که صحوو ذاتی گوناکارء می تونه وا ايمو و عیسی مسیح جزء ملت خداوند و حسوو بيايه و و رستگاری برء سه.

## ● انجيل لوقا

<sup>۲</sup> انجيل لوقا توسط نويسندء اي مقاله و زوو لری ترجمه بي يه. شما می تونيت سی مطالعه اي انجيل و ري اسم اي

کتوو که ايجه نويشته بي يه فشار به ئيت. [انجيل لوقا](#)